

**Wólbné wuzjawjenje wólbnego zastojnstwa pó § 42 BbgKWahlV k wólbnje  
głownoamtskego šolty města Wětošow/Błota 29.11.2009 a ewentualnje notnego  
dowuzwólowanja 13.12.2009**

Pó § 42 BbgKWahlV wuzjawijom slědujuce:

1. 29.11.2009 wótmějo se wólba głownoamtskego šolty města Wětošow/Błota. Ewentualnje notne dowuzwólowanje wótmějo se 13.12.2009. Wólbnny teritorium města Wětošow/Błota twóri jaden wólbnny wokrejs.
2. Wólbnny cas **trajo** pla **wólby** a pla **dowuzwólowanja** wót **8.00 góž.** do **18.00 góž.**
3. We wólbných wuzjawjenjach, kótarež su se do wuzwólowanja wopšawnjonym do 01.11.2009 psípóslali, stej pódanej wólbnny wobcerk a wólbnny lokal, w kótaremž do wuzwólowanja wopšawnjony wuzwólijo. Kórtka wólbnjeje powěžeńki służy ako kontrola wopšawnjenja do wuzwólowanja a ma se pši wólbnje wótedaś. Kuždy/-a do wuzwólowanja wopšawnjony/-a móžo jano w tom wólbnem lokalu wólbnego wobcerka wuzwólowaś, do kótaregož zapisa wólarjow jo zapisany/-a.
4. Kužda do wuzwólowanja wopšawnjona wósoba ma za **wólbu głownoamtskego šolty** kaž teke za **ewentualnje notne dowuzwólowanje** jaden głos.  
Za kuždu z górtjejece pómjenjoneju wólbowu plaši slědujuce:  
Wólař wótedajo swój głos tak, až kandidata, kótaremuž co swój głos daś, z kśicku jadozmyslnje wobznamjenijo.  
**Na głosowański lisćik njesmějo se wěcej ako jaden głos** wótedaś; wótedajo se wěcej ako jaden głos, jo głosowański lisćik njeplašacy!  
Głosowańske lisćiki se amtski zgótuju a stoje we wólbnem lokalu k dispoziciji.
5. Wólař dej se na pominanje wólbnego pśedsedarstwa wó swójej wósobje wupokazaś.
6. Chtož njama wólbné łopjeno, móžo swój głos jano w tom wólbnem lokalu wótedaś, kótaryž jo na wólbnjej powěžeńce pódany.
7. Chtož ma wólbné łopjeno, móžo se wobželiś na wólbnje głownoamtskego šolty pši wólbnje we wólbnem krejsu – **Město Wětošow/Błota** –
  - z tym až wótedajo swój głos w kuždemžkuli wólbnem wobcerku wólbnego wokrejsa abo
  - z listoweju wólbu.

8. Chtož co z listom wuzwóliš, dej se pla wólbneho zastojnstwa amtski głosowański lisćik, amtsku wólbnu wobalku, amtsku wólbnu listowu wobalku a informaciske łopjeno za listowu wólbnu wobstaraš. Jolic až do wuzwólowanja wopšawnjona wósoba wósobinski pó wólbne łopjeno a pódložki za listowu wólbnu písizo, móžo se listowa wólba ned na městnje wugbaš.
- Listowa wólba wugbajo se pší danej wólbje na slědujucu wašnju:
- Do wuzwólowanja wopšawnjona wósoba wóznamjenijo głosowański lisćik wósobinski a njewižona.
  - Wóna scynijo głosowański lisćik njewižona do amtskeje wólbneje wobalki a zacynijo tu samu.
  - Wóna pódpišo, pódawajuca městnosć a žen, na wólbnem łopjenu pśedšičane wobwěšćenje město písisegi k listowej wólbje.
  - Wóna scynijo zacynjonu wólbnu wobalku a pódpisane wólbne łopjeno do amtskeje wólbneje listoweje wobalki.
  - Wóna zacynijo wólbnu listowu wobalku.
  - Wóna pšípósćelo wólbny list z postom pšislušnemu, na wólbnem lisće pódanemu městnoju tak zawcasa, až dožjo wólbny list nejpózdzej na danem wólbnem dnju do 18.00 góz. Wólbny list móžo se tam teke wótedaš.
9. Wólba jo zjawna. Kuždy ma pšistup k lokalaju, dalokož jo to móžno mimo togo, až se wuzwólowanje móli.
10. Pśedsedarstwo za listowu wólbnu zejžo se 29.11.2009 w 15.00 góz. a pla notnego dowuzwólowanja 13.12.2009 w Měsćańskem domje II (pódlańske twarjenje Měsćańskega grodu), špa 121, Grodowa droga 10 w měsće Wětošow/Błota. Zjawne licenje głosow zachopijo se na danem wólbnem dnju we 18.00 góz.
11. Pó pśedpisach pokušeńskich kazniskich knižkow se pokušijo, chtož njewopšawnjony wuzwólijo abo na hynakšu wašnju njepšawy wuslědk wólbow zawinijo abo wuslědk sfałšujo.

Wětošow/Błota, 09.11.09

gez.  
Axel Müller  
šolta